

Число 3.

Ужгородъ 1. марта 1926.

Роцникъ VI.



Mich. Bendás nam duch.



Заложуйте свои вкладки до Централи або до філіялів

ПОДКАРПАТСКОГО БАНКА

Стан вкладок повысше 10,000.000 Кч.

В всяких финансовых и господарских дѣлах доставить Вам
скору, точну и бесплатну пораду

ПОДКАРПАТСКІЙ БАНК В УЖГОРОДЪ

Своими заощаджеными гелерами при доброму опроцентованю
капитала подпираите свой народный

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска институція
ПОДКАРПАТСКІЙ БАНК В УЖГОРОДЪ

Пересилки доляров до Америки з дозволом Банковного Уряду
виконує

ПОДКАРПАТСКІЙ БАНК В УЖГОРОДЪ

Переказы до Галичини, Польщъ и до других держав Европы
и Америки виконує найвыгоднѣйше

ПОДКАРПАТСКІЙ БАНК В УЖГОРОДЪ

Америцкѣ десеквестраціѣ, асекураціѣ и компензаціѣ за померших
в Америцѣ переводить

ПОДКАРПАТСКІЙ БАНК В УЖГОРОДЪ

За вкладки (льокації) ощадностей и капитала платить наш
ПОДКАРПАТСКІЙ БАНК В УЖГОРОДЪ

5%—6%.

Подорожну канцелярію, продаж жельезнодорожных карточок на
цѣлу територію Чсл. Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ

Число 3. Ужгородъ 1. марта 1926. Рочникъ VI.

БЛАГОВѢСНИКъ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

ПРЕДПЛАТА:

за рокъ	10.— Кч.
за границю	20.— Кч.
до Америки	1.— д.
Одно число 1 Кч.	

Выходить разъ на мѣсяцъ

Адресъ:

Редакція: Kapitulska ulica č. 10.
Администрація: Монастырь ОО.
Василіян, Ужгородъ, Раковци 52.

ОБЯВЛЕНИЯ:

принимаются по цѣнѣ:	
за одну стор.	200 Кч.
за половину стор.	120 Кч.
за четверть стор.	65 Кч.

Христіяне соединяйтесь!

Колись всѣ христіяне одно стадо составляли. Такъ якъ Христосъ хотѣвъ: одно стадо и оденъ паstryръ. Всѣ народы свѣта: греки, римляне, франки, нѣмцѣ, славяне, мадяре и пр. Больше якъ 1000 роковъ не было роздору меже ними. И если туй тамъ еретики: Арій, Македоній и пр. повстали противъ сего единства, вѣрнѣ сины Церкви скоро oddалили сихъ неспокойныхъ елементовъ и зновъ настало единство въ вѣрѣ. Восточнѣ умоляли и честовали Бога по своему, западнѣ зновъ по своему звычаю, але никому не пришло въ гадку про обрядъ, про церковный языкъ розорвати единство вѣры въ Христоєй церкви.

Доки не прийшовъ Фотій. Сей свѣтскій чоловѣкъ и урядникъ грецкого императора, чтобы убольшати власть свого пана, почавъ агитовати противъ головного паstryря церкви, противъ римского отца. Императоры грецкѣ уже давно не дивилися добрымъ окомъ на то, что римскій отецъ разпоряжае и надъ восточнымъ епископами и всякимъ способомъ хотѣли сию церковну власть захопити въ свої руки. Фотій якъ ставъ патріархомъ константинопольскимъ одорвавъ восточныхъ одъ скалы Христовоѣ и заосновавъ для нихъ окрему восточну вѣру, въ которой найбольшу церковну власть мавъ грецкій императоръ. Его роз-

дорчиву роботу продовжавъ потомъ Керуларій и такъ сталося, что года 1054 восточнѣ христіяне, котрѣ до того часу въ мирѣ и згодѣ жили зъ западними подъ управою римского отця, одлучилися одъ Христової Церкви и до нынѣшнього дня въ роздорѣ жіють.

У 500 роковъ зновъ Лутеръ ступивъ на сю дорогу. Онъ бывъ монахомъ; але не могъ подержати правила монастыря и почавъ учити противъ науки Церкви. Зробивъ революцію противъ римского отця и Церкви и велику часть Нѣмцовъ и іншихъ съвернихъ народовъ запровадивъ въ ересь и одступництво. И такъ колись одно стадо Христове роздерлося на три часті: каѳолики (римо- и греко), схизматики и протестанты (лутдране, кальвінисти и пр.).

Та се смутное дѣло. Сему хиба діяволь радуєся и погане нынѣшнього свѣта: массоны, комунисты, безбожники и пр. Але добрий христіянинъ нѣть. Добрѣ христіяне хотѣли бы, чтобы всѣ тѣ три христіянскѣ вѣроисповѣданія соединилися и составляли сильный фронтъ противъ новѣйшихъ безбожниковъ.

И не только хотять, але и працують. Кождого року чути, что совѣщанія держать въ дѣлѣ соединенія христіянскихъ вѣроисповѣданій. То въ Велеградѣ, то въ Люблянѣ, то въ Брюсель и инде. Римскій Отець кому найлѣпше болить сей смутный роздоръ, на 1928 рокъ хоче скликати соборъ, где установили бы соє-соединеніе всѣхъ одпавшихъ христіянскихъ сектъ.

Выдають газеты, часописи, книжки, въ которыхъ розширяють думку св. соединенія.

И въ сей роботѣ не лишь каѳолики мають участъ але також и восточнѣ и протестанты. Многѣ изъ нихъ оставили ересь и вернулися назадъ у Христову Церковь. Майже кождый день читати въ газетахъ, что визначний протестантъ, або „православный“ вернувся назадъ и ступивъ въ Христову каѳол. церковь.

Треба и намъ наповнитися сею думкою: едно стадо и одень пастырь якъ было давно за 1000 роковъ. Треба и намъ осудити всякий розколъ и схизму и уважати ихъ махинацію діавола; треба и намъ

1926. рок.

„БЛАГОВѢСТИКЪ“

Сторона 35.

если иишкакъ не можеме щиро молитися чтобы здѣйстнилося желаніе Христа и настало единство меже христіанами.

И зато болить такъ наше сердце, коли видиме, что діяволь сколько много душь одорвавъ на Подк. Руси одъ скалы св. Петра и другивъ въ ересь. Молъмся и держмесь крѣпко! И розширяйме прекрасну идею Христа:

Христіяне цѣлого свѣта соединяйтесь!



Стойте въ вѣрѣ!

I. Вѣра.

Далисьме уже достойный отвѣтъ про двѣ правды нашоѣ св. вѣры, се с про походженіе св. Духа отъ Отца и Сына и про Непорочное Зачатіе Преблагословенnoѣ Дѣвы Маріи. Займемеся теперь вопросами, котрѣ односяться до

3. Устройства единоѣ, святоѣ, соборноѣ и апостольскоѣ Церкви Христовоѣ.

Во семъ дѣлѣ ставить намъ Михайлукъ много вопросовъ. Они еще больше каламутнѣ, якъ оба попереднѣ. На дѣлахъ, что односяться до устрою св. Церкви онъ, а може сѣ, котрѣ его учили, такъ розумѣютъся, якъ вовкъ на звѣздахъ.

Вопросъ З-й. „Ци Петро апостолъ мавъ больше благодати якъ другъ апостолы, або онъ только мавъ лишь благодати

якъ другъ апостолы? — Где е написано у святомъ Писаню, что обы Ему Богъ давъ главенство надъ прочими апостолами?“

Пригадуеме и на семъ мѣстѣ, что абы зрозумѣти Боже слово, то треба мати въ головѣ розумъ, а въ груди сердце простое не упертое.

1. На першу половину вопроса даме отвѣтъ тогды, коли намъ схизматики скажутъ, сколько благодати мали другъ апостолы? Якъ намъ на основѣ св. Писанія скажуть сколько градовъ благодати мали другъ апостолы, тогда и мы годнѣ будеме сказать, что сколько мавъ еѣ св. Петро Апостоль. — Ось видите, братя и сестры, якъ дурненький сесь вопросъ. Кто має бодай мало простого розуму, сей сякого вопроса не поставить. Бо св. Письмо ничего не говорить про се, сколько благодати мавъ котрый Апостоль. Сего намъ Богъ не хотѣвъ обявити, и мы не повиннѣ быти цѣкавѣ, абы сї знати. Колись у небѣ будеме оглядати величъ и красу святости Апостоловъ. Тожъ зачекайме, а теперъ гадкуйме, чтобы Божа благодать была на нашей душѣ, и мѣркуйме, чтобы ворогъ нашего спасенія не выкравъ намъ сего небесного скарбу за миску сочевицѣ, або за пригорщу схизматицко-лютерскаго калу. — Розумно?

2. Переїдеме до другоѣ половки вопроса, где звѣдуе насть Михайлюкъ: „Где е написано у св. Писаню, что обы Богъ давъ Петрови главенство надъ прочими апостолами?“

Вопросъ дуже важный тай дуже давний. Чтобы однакъ найти на него отвѣтъ, то треба знати, что установы, котрѣ односяться до устрою св. Церкви маеме брати такъ, якъ ихъ лишивъ самъ Іисусъ Христосъ, ци они намъ милѣ ци нѣть, а не смѣеме ихъ накручовати подъ свой соціалистичныи ци большевицкій смакъ. Что установивъ Господь нашъ Іисусъ Христосъ се святое и сего никто не має права перекручовати! — Запамятайте собѣ се добрѣ!

Что Божественный нашъ Спаситель поставивъ св. Петра головою въ своей единоспасительной Церкви надъ всѣми еї членами, то се таکъ выразно зазначено у св. Писаню, что треба быти слѣпымъ и злобно упертымъ, чтобы сего не увидѣти и вѣрою не обняти. — Хочешь, брате солодкій, знати „где то написано“, то послухай. Але гадкуй здорово, а не по пяному!

a) Въ Евангелію св. Маœя глава 16-а, стихъ 13—19 (его читають тоже схизматики въ праздникъ св. Ап. Петра и Павла) сказавъ Господь Іисусъ до Петра, котрый вызнавъ Іисуса: „Христомъ, сыномъ Бога живаго“, сесѣ преважнѣ слова: „И ѿзъ же тѧкъ глаголю, ѹакѡ ты єси Петръ (скала, камънь), и на сѣмъ камени с вѣждѣ Церквь моя, и вратама твоима не ѿдѣльють ѿ мене: и дамъ ти ключъ царства небеснаго: и єже ѿще скажешъ на земли, будеетъ скажано на небесахъ: и єже ѿще разрѣшиши на земли, будеетъ разрѣшено на небесахъ“.

Не забудь, брате милый, что съ слова говорить самъ Богъ нашъ Іисусъ Христосъ. А Іисусъ Христосъ не говорить на вѣтеръ. Каждое его слово має силу и значеніе, бо се слово истинного, неомильного, правдомовного Бога! Якъ Господь Іисусъ обѣщає чтось зробити, то певно се здѣлае! Онъ не такъ обѣцює якъ паны передъ выборами, котрѣ обѣцяли землю и золотъ грушки на вербѣ, а нѣчого не дали, або якъ комунисты, котрѣ обѣцюють рай на землѣ, але не тобѣ, а жидчукамъ, а еще больше побольшають бѣду и нужду. — Господь Іисусъ кажду свою обѣтницю исполняє. „Небо и земля минется, а слова мои не переминутся!“ (Мт. 24. 35).

Отже мѣркуй. Было тамъ съ Іисусомъ Христомъ больше апостоловъ, а Господь Іисусъ звертається до одного лише Петра-Симона, сына Іониного, а не до Іоана, ани Якова, ани Варѳоломея, ни Юды, ни до Фомы, а лишь до Петра. Его одного зве „блаженнымъ“, ему одному каже: „И азъ тебѣ глаголю“, (а не всѣмъ), „Ты єси (а не всѣ) Петро (скала, камень), и на сѣмъ камени (на Петра, не на всѣхъ) съзиждє Церквю (зборъ всѣхъ христіанъ, отже и всѣ прочѣ апостолы стояти будутъ на камени — Петра). И дамъ ти (одному Петрови, а не всѣмъ) ключи царства небеснаго (се е найвысша власть въ рукахъ одного Петра, а не всѣхъ!). — Видишъ, обѣцює ту Господь Петрови чтось такого, чого не обѣцює больше никому, на Петра одножъ обѣцює покласти свою Церковь, а не на всѣхъ апостолахъ, и что Петро звяже ци розвяже на землѣ, то и въ небѣ передъ Богомъ буде мати силу! — Кого отже обѣцює Божественный Спаситель покласти основою-головою своеї Церкви? Одного лише Петра Апостола! А чому Петра, а не кого другого або всѣхъ виедно? Бо такъ Господу любилося! Годень бывъ иншакъ зарядити, и тогда Его установа была бы свята, а теперь сякъ зарядивъ, что одинъ Петро головою и ключаремъ и правителемъ Его Церкви и ся установа Господня для всѣхъ має быти святою, и никто не має права еї змѣнити, ци она ему въ смакъ ци нѣть. — Розумѣешь?

б) Виджу — скажешь може солодкій брате — ясно, что Господь обѣцявъ поставити Петра головою надъ всѣми членами своеї Церкви, але ци е во святомъ Писанію написано, что Іисусъ Христосъ сповнивъ свою обѣтницю и поставивъ Петра начальникомъ надъ всѣми? Где то стоить написано?

Хотя бы и нигде не было въ святомъ Писанію написано, что Господь Іисусъ поставивъ Петра начальникомъ надъ всѣми своими вѣрными, то уже и сама обѣтница Господня была бы кождому, у кого въ головѣ е розумъ, а не полова, зовсѣмъ выстарчила узнати Петра головою и пастыремъ Христової Церкви. Та Господь Іисусъ видѣвъ видавъ своимъ Божимъ окомъ тыхъ баламутовъ, котримъ не по сердцу буде Его Божа установа и для того по воскресенію своеемъ ясно сказавъ: и

якбы перстомъ показавъ, кто е найвысшимъ начальникомъ и пастыремъ св. Церкви — Христового стада. Читаеме въ Евангелю св. Іоана (глава 21. зачало 67, его читають такожъ схизматики кождоѣ 11-оѣ недѣлѣ на Утрени), что Іисусъ Христось звѣдавшия трикратно Петра, ци онъ любить Его больше якъ другъ апостолы и одержавши отъ него трикратное смиренное запевненіе: „Ей, Гдї, ткї вѣси, йкш люблю та“, сказавъ до него трикратно: „Паси ѿгнїцы мої“. „Паси ѿкїцы мїї“.

Маешь розумъ въ головѣ помѣркуй надъ тымъ словомъ Господнимъ. Оно не на вѣтеръ сказаное. Были тамъ и другъ апостолы кромъ Петра, бывъ Омомъ, Наѳанайломъ, Іоаномъ и Яковомъ и еще двохъ, а Господь до Петра одного каже: „Паси ягнята мои“, „Паси овечки мои“. — Цѣлое свое стадо и великихъ и малыхъ, старшихъ и молодшихъ передае въ руки одного Петра и его одного ставить пастыремъ цѣлого своего стада. А стадо Іисусове се не безрозумное, але розумнѣ люде! Черезъ св. Крещеніе стаеме членами Христового св. стада, св. Церкви. Надъ тымъ своимъ избраннымъ стадомъ, надъ цѣлою своею Церквою ставить Сынъ Божій одного Петра пастыремъ и нѣкого не виймає сподѣло власті.

Мѣркуй еще дальше и вглубися въ слово Іисусовое. Петрови одному каже пасти и „овечки и ягнята“. А что се значить пасти словесное стадо розумныхъ людей? Се значитъ провадити ихъ на добру здорову пищу, а сокотити передъ злую, нездороюю. Се значитъ кормити христіянъ правдою Божого слова — Христовоѣ науки. Се значитъ сокотити ихъ передъ ворогомъ и боронити передъ лютымъ вовкомъ. Се значитъ не датися водити за нось первому лучшому баранови, але добродушныхъ навертати, непослушныхъ напоминати и карати, а злыхъ одлучовати отъ здоровыхъ, абы другихъ не заражовали. Правда, что сякое значеніе мае розказъ Христовий данный одному Петрови пасти св. Его стадо?! — Запамятай собѣ се добрѣ.

Христовое стадо мало розростися на весь свѣтъ. Потребы христіянъ мали быти великѣ и численнѣ. Для того Іисусъ Христось давъ найвысшому пастыреви, Петрови, до помочи еще и другихъ пастыревъ, другихъ апостоловъ. Они мали такожъ пасти Христовоѣ овечки, — ихъ учити Божого слова, ихъ освячовати во св. Тайнахъ, ихъ завертати изъ злѣй дороги, але жаденъ изъ нихъ анѣ всѣ разомъ не мали такоѣ власти якъ одинъ Петро. Петро nonадъ всѣ пастырѣ, всѣ другъ подъ Петромъ и зъ Петромъ!

А чому се такъ? Бо такъ зарядивъ Іисусъ Христось! Ци годень бывъ иншакъ установити? Годень, але не хотѣвъ! Христови любилося одного Петра поставити найвысшимъ и першимъ пастыремъ надъ цѣлымъ своимъ стадомъ и Его установи свята! Ци се кому любиться ци нѣть, слова и установы Іисусовѣ

1926. рокъ.

„БЛАГОВѢСТИКЪ“

Сторона 39.

никто не змѣнить! Іисусъ Христосъ не хотѣвъ, абы въ Его Церкви бывъ безладъ, але порядокъ, не хотѣвъ большевицкихъ совѣтовъ, где что голова то розумъ, але хотѣвъ устроити боездатное войско, готовое въ кождомъ часѣ до борьбы за Божъ права иproto поставивъ надъ всѣмъ ~~одного~~ одного вожда, одного пастыря, св. Петра. Всѣ довжнѣ ~~сесю~~ установу держати и одного Петра узнати першимъ и найвысшимъ пастыремъ и головою св. единоѣ Христової Церкви! — Туй токмы не е и быти не може! Розумно?!

Протое цѣлкомъ нерозумнимъ е вопросъ, поставленный ꙗшимъ Михайлукомъ на четвертомъ мѣстѣ зъ ряду: „Когда свята Греко-Римска Церковь постановила главенство единаго лица (особы) во Церквѣ папы римскаго або другого лица, чтобы бывъ голова ~~Церкви~~, до вселенскихъ соборовъ або послѣ соборовъ было се постановленіе?“

Не Церковь и не Соборъ, якій постановивъ въ Христовой Церкви одного пастыря, одну голову, але такъ установивъ своею Божою повагою самъ Сынъ Божій, Іисусъ Христосъ! Жаденъ Соборъ тако постановы не має права здѣлати, але и жаденъ Соборъ не має права змѣнити установы Іисуса Христа! Установа Іисусова свята, вѣчна, неизмѣнна! Не забывайте о томъ!

Ся власть найвысшого пастырскаго уряду надъ цѣлымъ Христовымъ стадомъ въ рукахъ одної особы дана св. Петрови, мала быти ту на землѣ вѣчна, якъ вѣчною мае быти и св. Церковь Христова, основана на Петрѣ, якъ найвысшомъ пастырю и головѣ: „И врата Адова не ѿдолѣють ёй“. — Петро одержавъ сесю найвысшу власть изъ рукъ Христовыхъ не лишь для себе, але и для всѣхъ своихъ наслѣдниковъ! Ся власть не пошла зъ св. Петромъ до гробу, але перейшла въ руки Петровыхъ наслѣдниковъ — римскихъ епископовъ!

Та про се розскажеме, дастъ Богъ, другимъ разомъ.

Чтобы и ревнивѣ схизматики мало призадумалися надъ устройствомъ Христової Церкви и Его установами, мы позволимо себѣ звѣдати ихъ: „Котрий то вселенскій Соборъ и коли постановивъ, что св. Петро Апостоль не бывъ установленый Іисусомъ Христомъ одинокимъ головою единої, вселенской, Христової Церкви?“

Просиме и чекаеме отвѣта!

P. C.

Въ кождомъ христіянскомъ домѣ повинна читати ся газета „Благовѣстник“. Онъ не только оброняе и укрѣпляе вѣру, но одновременно ширить христіянскій духъ и культуру.

Читайте и распространяйте „Благовѣстникъ“!

ВСЯЧИНА

Ци не есть то палець Божій;

Передъ одnymъ рокомъ посѣтивъ Преосв. Діонисій своихъ вѣрниковъ въ Македонії, тамъ на границѣ Греції. Тѣ бѣднѣ страшенно много терплять за свою святу вѣру, але вѣры своей не вyrѣкаються никому за дяку. Схизматики роблять все можливе, чтобы ихъ одорвати одъ Церкви каѳолическої, але все дармо. Найстрашнѣйшѣ терпѣння мають поднести нашъ вѣрники въ селѣ Богданци. Въ томъ селѣ передъ воиною зачалося св. соединеніе. Державнѣ власти не хотять тамъ пропустити нашого священника ужъ тому больше якъ 10 лѣтъ. Але люди и дальше твердо стоять, Богу ся молять и чекаютъ лѣпшѣ часы.

Преосв. Діонисій посѣтили тыхъ своихъ вѣрниковъ, отправили подъ небомъ Службу Божу въ день св. Аѳанасія, сказали имъ nauку и вернулися дому.

Коли то почувъ „православный“ владика того краю, хотѣвъ и онъ посѣтити село Богданци, чтобы знищiti тамъ то, что законитый Пастырь посѣявъ. Прійшовъ до мѣста Дьевдѣлі, забравъ фіякеръ и съ о. намѣстникомъ того краю рушився до Богданцовъ.

Въ Дьевдѣлі находится велика стація на жelѣзной дроzdѣ. Переходячи черезъ треты жelѣзної дороги увидѣвъ о. деканъ одного нашего вѣрника, якъ съ вагону выбирає бочки пива. Заставивъ фіякеръ на тратахъ, и сказавъ свому епископу: и сей есть нашъ ворогъ. И зачавъ на него кричати роспаленный одъ гнѣву. Кричавъ о. намѣстникъ, грозився и не побачивъ анъ онъ, анъ епископъ, якъ съ противної стороны приходить одень вагонъ, котрого локомотива зъ далека одпустила. Вагонъ вдаривъ до фіякера, розбивъ фіякеръ, конъ утѣкли съ першою частю фіякера, намѣстника выкинуло дальше, а епископъ упавъ подъ вагонъ и лишь чудомъ Божимъ о. намѣстникъ вырвавъ сго съ подъ колеса вагону.

Не потребно напоминати, зъ якими чувствами верталися епископъ и намѣстникъ до дому. Онъ и намѣстникъ и не думали дальше на греко-каѳолическихъ вѣрниковъ въ Богданцяхъ. Вѣрники нашъ говорили: „Богъ своихъ не опускає“.

Всѣ люди видѣли въ томъ палець Божій, а думаеме, что и самъ „православный“ епископъ порозумѣе то напоминаніе Божое. Лишень одна минута и его душа могла быти передъ судомъ Божіимъ. И тамъ инакше судять, якъ люди сего свѣта. о. с.

Чужа кривда не загрѣе,

каже нашъ народъ. Най се потвердить и слѣдуючій примѣръ.

Французска влада 1901. и 1906. зрабовала церковнѣ добра, домы семинаріѣ, парохіяльнѣ, а навѣть и Церкви.

По церковнымъ законамъ ~~каждый~~ каѳоликъ, который вживъ бы ся на лицензії або ~~и~~ инишою дорогою закупити зрабованѣ церковнѣ добра, есть церквою выклътый. Звычайно такъ добра куповали лишень жиды. Рѣдко коли трафлялося, чтобы каѳоликъ такъ забывся и купивъ таку зрабовану церковну будову. А если такъ то изробивъ, не мавъ на томъ благословенія Божого. Се одинъ такій примѣръ:

По закону одъ 1901. року были выкиненѣ изъ монастыря ыонахи капуцины въ Парижу при улицѣ „Dela Santé“, въ ч. 15. ~~Сей~~ монастырь найперше купило одно акціонерное товариство, и оно роспалося. Прійшло другое товариство, и се скоро збанкротовало. Потомъ прійшло еще и третое акціонерное товариство и тамъ отворило свої склады, але и оно въ найкоротшомъ часѣ пропало.

На конци купило сей фундушъ четвертое акціонерное товариство и всѣ старѣ будовы збурило, а побудовало новѣ. И подъ пару днями и се четвертое француско-америцкое товариство упало.

И такъ подъ часъ 25 роковъ на томъ капуцинскомъ добрѣ 4 акціонернѣ, товариства пропали и мали тамъ 20.000,000 фр. шкоды. И справедливо. Правдиво каже нашъ народъ: „Чужа кривда не загрѣе“.



На машинѣ.

Было се лѣтомъ, день по Успенію Преч. Дѣви. Машиною изъ Берегова ишло даскольконащять нашихъ людей. Меже подорожными бывъ одинъ убраний зъ панска, гарный кабатъ, краватка красна и шнурованѣ топанки америцкоѣ формы. Се Митро Розумѣйко долларовий апостоль суботницкій, изъ Аме-

рики. Зъ собою несъ здоровый кофрикъ; вкладаючи его на поличку сильно почервенѣвъ и застогнавъ утираючи потъ изъ низкого чола.

„Чтось тамъ дороже мусить быти, коли такое тяжкое“ одозвався ктось изъ присутныхъ.

„Дороже, дороже“, — каже панчукъ —, бо се чиста евангелская правда“.

„А де вы купили, и сколько заплатили за сесе свангеліе? звѣдуєся Романъ Тятый думаючи, что се якийсь американецъ везс новое евангеліе до своеї церкви. „Може бы вы намъ показали“.

„Ану покажѣть! одозвалося дасколько голосовъ“.

„Не лишь покажу, але пороздаю вамъ изъ того добра на памятку“ — отповѣвъ панокъ.

Се дуже зацѣкавило присутныхъ и они зобралися коло такого щедрого пана.

„А вотки вы идете?“ звѣдався впередъ панчукъ. „Вы бо виджу въ святочномъ платю“.

„Вертаєме — одозвалися гуртомъ — „зъ отпуста изъ Мукачова. Тамъ сповѣдалисмese и причащали“.

„Но вы якъ виджу, еще не просвѣщенъ, — сказавъ апостоль“, — коли ходите по отпустахъ и сповѣдаетесь. Сповѣдь то поповска выдумка. Въ св. Писмѣ нѣгде не стоить написано, что треба сповѣдатися“.

Люди замовкли якбы засоромленъ. Та Романъ Тятий дозръ упознавъ, якое то потя изъ сего панка. Онъ приступивъ близше до американца, сѣвъ собѣ на проти него и сякъ промовивъ: „Виджу я паночку, что вы бывалый чоловѣкъ, много видѣли и много читали“.

„Цѣлый свѣтъ я звидѣвъ, — перебивъ ему отважный панокъ, — а сколько книгъ прочитавъ, тай зъ просвѣщенними людьми говоривъ. Я виджу, что нашъ люди еще непросвѣщенъ, бо вѣрять попамъ. Я держуся сего, что е въ евангелію; бо се лишь правда, что тамъ написано! Ось туй въ куфрику маю такѣ книжочки, въ которыхъ просвѣщається людей, что не треба сповѣдатися, бо въ св. Писмѣ не стоить написано, чтобы сповѣдатися. Якъ скочете, то я вамъ дамъ сесѣ книжочки — скавъ солодко баламуть отворяючи кофрикъ, а вы самъ ихъ читайте, тай другимъ передавайте“.

„Пождѣть, паночку, — промовивъ Романъ Тятый. — Вы якъ видиме — не лишь разумный чоловѣкъ, але и богообойный, ибо читаете Боже слово, а и добрий, что такъ вдячно готовъ и насъ обдаровати, и насъ темныхъ просвѣщати. Но я простый собѣ и непросвѣщенный, дачто позвѣдаюся васъ, а вы, прошу васъ дуже красно, будьте ласкавѣ дати отвѣта“.

„Дамъ, дамъ, дуже вдячно!“ — отвѣтивъ утѣшений пройдисвѣтъ.

1926. рокъ.

„БЛАГОВѢСТИНИКЪ“

Сторона 43.

Люде цѣкавъ знати, про чо се Романъ Тятый буде звѣдоватися нашого панка, а знали добрѣ, что Романъ не въ тѣмъ битый и готовъ выстроити доброго фигля. Они еще близше поприсувалися, чтобы добрѣ чути цѣлу розмову.

„То вы, мой панцю солодкій, — почавъ дальше Романъ Тятый, то повѣдаете, что вы лишь се держите, что стоить въ св. Письмѣ?“

„Айно! айно! сказавъ живо нашъ Розумъйко. Бо лишь свята правда, что написано въ евангелію. Что не написано въ Біблії, сего не пріймаю!“

„А где вы панцю — значучо промовив Тятый — вычитали въ св. Письмѣ, что у васъ есть розумъ? Покажѣть намъ, где то стоить написано? Бо то видите, я собѣ такъ простымъ розумомъ мѣркую, что ажъ бы зрозумѣти св. Письмо, то треба мати розумъ“. .

Розумъйко почервононѣвъ якъ ракъ, а изъ присутныхъ не одно засмѣялося подъ носомъ.

„Добре ему втявъ“ — подумавъ собѣ не одинъ. Всѣ звернули свої очи на ученого Розумъйка.

„Та то — видите — сего не може знайти въ Евангелію, бо тамъ про се не пишеся“ — отвѣтовавъ Розумъйко. „Бо се тос — видите — такъ бы сказать — я тамъ того не видѣвъ!“

„Айно! айно! Подхопивъ Тятый — „мы непросвѣщенѣ видиме всѣ, что у васъ въ головѣ розуму нѣть, что вашъ розумъ гдесть въ пяти полѣзъ або може и зовсѣмъ висохъ, коли не ганьбитеся передъ нами говорити дурноту!“

Дакто и голосно засмѣявся, а Тятый продовжавъ дальше: „Чтобы, мой паночку, братися до св. Письма и эъ него чогось научитися, то треба також мати розумъ. Айно! Бо во св. Письмѣ слово Божое, сказано до розумныхъ, а не до безумныхъ. Кто держиться такоѣ глупости, кто смѣе повѣдати, что не приймає за правду лишь се, что во св. Письмѣ, той хотя бы и якъ учтивався въ св. Письмо не много изъ него вычитає, бо въ его головѣ не все въ порядку. Якъ же вы не маючи розуму хочете зрозумѣти розумное слово Божое та еще и другихъ просвѣщати?“

Побѣльвъ изъ пересерда нашъ ученикъ Розумъйко, зачавъ чѣхатися въ голову, якъ бы хотѣвъ въ ней начѣхати розуму, а всѣ почали смѣятися. Вставъ онъ и хотѣвъ уйти до другого отдѣла, але Пятий взявъ его за руку и промовивъ: „Зачекайте прошу васъ паночку, еще мало. Я довженъ вамъ отвѣтити еще на се чо вы повѣдали, что не треба сповѣдатися, бо въ св. Письмѣ не стоить написано, чтобы сповѣдатися. Сядьте собѣ и послухайте. — У васъ видѣвъ я св. Письмо ось туй на самомъ верху въ куфрику. Будьте ласкавѣ дайте менѣ, а я вамъ покажу, чо тамъ пишеся про тв. Тайну покуты. Ось дивѣться! Тутъ у св. Евангелиста Іоанна въ главѣ 20. стоить написано:

„Сѧщі же поздѣ въ день той во єдинѹ отъ сѹббѡтї, и дн҃ереми
затвреною, идѣже блжѹ оученици єгѡ събрали, страха ради
Юдейска, прїиде Іисѹ и ста посередвѣ и гла їмѹ: міръ вамъ. И сїе
рѣкъ, показа їмѹ рѹцѣ и рѣбра скол. Безрадовашася обѹбо оученици,
відѣкше Гда. И сїе рѣкъ, днѹ и гла їмѹ: Прїими дхѹ свѧтъ:
и їмже отпъстите грѣхѹ, ѿпъстѧтсѧ їмѹ: и їмже держите, держатсѧ“. (Іо. 20. 19—23). Ось видите, паночку. Туй кажется въ
св. Евангелію, что св. Сповѣдь се не видумка людска, не уста-
нова поповъ — якъ се вы сказали, — але что св. сповѣдь е
цѣннимъ великоднымъ дарункомъ, который намъ давъ Божествен-
ный нашъ Спаситель Іисусъ Христосъ. И ми хотя не просвѣ-
щеннѣ, — якъ вы нась зъ погордою назвали — приймаєме съ
любовю дарунокъ изъ ласковыхъ рукъ Господа Іисуса и хосну-
еме его на добро нашихъ грѣшныхъ душъ. Мы бо сыны св.
Христової Церкви знаєме что св. Сповѣдь то установа самого
Іисуса Христа! Но чтобы зрозумѣти Божу установу, чтобы оцѣ-
нити даръ Христового Сердця, треба мати розумъ въ головѣ
освѣчений Христовою вѣрою, а не запаморочений протестант-
ским фалшомъ. Своимъ американскимъ куколемъ нась не обрадо-
вуйте, але заженѣть его тамъ, утки его взялисте. Нашого же
вѣруючого руського народу не баламутьте и не изводьте въ
протестантское безвѣрное багно, бо каже Господь Іисусъ, что
„Горе чловѣкѹ томѹ, їмже соклази приходитъ“ (Мт. 18. 7).
Вамъ же изъ сердця совѣтую, абысте въ св. сповѣди обмыли
свою брудну душу, чтобысьте прозрѣли и больше дурниць не
говорили, ибо лише „чистіи ср҃цемъ Бoga обѹратж“ и зрозумѣли
Боже слово“.

Машина засвистала, бо зблизилася стація. Нашъ учений Розумъйко засоромлений по самѣ уха забравъ свой кофрикъ вразъ зъ протестантскимъ смѣтьемъ и высѣвъ изъ воза середъ насмѣшокъ и глuchованя „непросвѣщенныхъ“ вѣруючихъ греко-
каѳоликовъ.

Ось такъ докончилася его діяволска миссія въ бережан-
ской долинѣ. Видавъ не скоро захочеся ему просвѣчовати
такихъ якъ Романъ Тятый. Кобы у нась больше было такихъ Тятыхъ, котрѣ знали бы притупити вовчѣ зубы сякихъ лжепро-
роковъ якъ сей Розумъйко и показали имъ путь туда, где пе-
рець росте!

Подслухавъ

Верховинецъ Стефанъ.

Читайте и разпространяйте

„Благовѣстникъ“!

Мѣсячное намѣреніе для членовъ Апостольства Молитвы.

(Благословеное св. Отцемъ, Папою Римскимъ.

„Поворотъ до Каѳолическоѣ Церкви народовъ скандинавскихъ и балтійскихъ“.

Всѣ народы, котрѣ живуть на повночь (сѣверъ) одъ насть надъ моремъ, которое называється Балтицкое, были колись вѣткою Христовою Церкви. Та тому 400 роковъ назадъ почавъ безбожный Лютеръ, а за нимъ Кальвинъ сфалшовати Божу науку и своими блудами заражовати вѣрныхъ Христовыхъ. Лютрова безбожна наука дуже припала до сердця богатымъ вельможамъ панамъ и могучимъ князямъ сего свѣта, бо крозь пальцъ дивилася на ихъ грѣхи и розпусту. И ось тѣ паны зараженъ блудами Лютеровими, силою, огнемъ и мечемъ почали розширяти его безбожну науку и отрывати людей отъ одинокого пня Христової Церкви. Священниковъ повыгаияли, католицкѣ церкви силою загарбали, спровадили собѣ Лютерскихъ пасторовъ и тыхъ, котрѣ не хотѣли пристати на ихъ блудну науку вязнили, збытковали, убивали. Много пролялося мученичоѣ крови, цѣлѣ рѣки слезъ потекло изъ очей Христовыхъ исповѣдниковъ. Насильство однесло побѣду; молодое поколѣння выросло въ лютерской вѣрѣ и такъ зъ часомъ всѣ тѣ краї надъ Балтійскимъ моремъ стали лютерско-протестантскѣ.

Св. Христова Обручница зъ болемъ глядить, якъ народы попадають въ чторазъ глубшу пропасть безвѣрія и всѣхъ силь докладає, абы ихъ привернути до Христа и соединити съ Христовою Церковю, въ которой одной истинна, благодать и спасеніе Христовое!

Соединяймсѧ и мы изъ всѣми членами Апостольства Молитвы и свої молитвы, працѣ и терпѣнія жертвуйме сей цѣли, чтобы найсол. Сердце Іисусово просвѣтило ихъ свѣтломъ своеї истины и зволило привести ихъ до своего избранного стада.

[C.]

Назадъ у Христову Церковь.

Мѣсяця октября въ Норвегіи обходили люде 30-лѣтний ювилей славного поета и педагога: Lars Eskechand-a. Всѣ газеты выхваливали его великѣ заслуги, навѣть и царь заславъ ему въ знакъ признанія его великихъ заслугъ золотый медаль. Lars Eskeland бывъ зъ початку протестантомъ (кальвиномъ), по томъ вступивъ въ Христ. каѳолическу Церковь.

Подчасъ ювилея Lars Eskeland въ своей бесѣдѣ заговоривъ и про свое наверненіе и меже прочими кававъ слѣдуюче:

„Причиною моего наверненія было се: Я не могъ дальше зостати въ той Церкви, въ которой о Христѣ дозволяются всякѣ мнѣнія. Нынѣшнѣ часы потребуютъ могочъ струѣ умоленія особы Христа, чтобы своею безграницюю любовію прибывъ намъ на помочь, але не споровъ о его особѣ. Иэъ споровъ о Христѣ не вытекає жадна сила и для насъ христіянъ тѣ споры не мають жадного значенія. Наша повинность е, такъ взяти его, якій онъ въ дѣйстности е. Я въ Церкви миръ и спокой глядаю, а не споровъ и сей спокой подае менъ лишь одна Церковь, и то тата, котра уже близъ 1900 роковъ числить. Въ сей Церкви не е ніякого спору о Христѣ. Друга причина моего наверненія: я не можу жити въ той вѣрѣ, въ которой не е тайны покаянія“. (Euch. Völkerbund, Wien IX., Canisiusgasse 16.).

Якъ передали намъ въ Раховѣ Церковь?

Сюю статью написавъ самъ тамошній духовникъ Стефанъ Даніеловичъ. И заславъ намъ, чтобы помѣстити въ „Благовѣстнику“.

Битка коло церкви.

Дня 2-го января появилася жандармерія, на чолѣ зъ окружнымъ начальникомъ и вызвали батюха, чтобы выйшовъ изъ церкви и передавъ ключи. Батюхъ не смѣвъ противитися и выйшовъ. Але церковникъ заперъ на себе дверѣ и почавъ въ одень бокъ звонити. На голосъ звона люде ся збѣгли зъ большою части лише уличники изъ найнизшої сорты и не пустили жандаровъ до церкви. Коли я выйшовъ, напали на мене и почали кричати, камѣнями метати и рычали якъ збѣснѣ. Коли потомъ и на окружного начальника почали камѣня метати и на жандаровъ, починалася правдива битка. Жандары рушилися противъ нихъ и набили ихъ моцно и 9-охъ изъ нихъ посадили въ арештъ.

Что было въ церкви?

Якъ обчистили околицю церкви зайшли мы до храма Божого. Что за непорядокъ бывъ тамъ! Смѣтя, камѣня, балта (средства розширенія „православія“!) приготовленѣ на то, чтобы убти насъ, якъ зайдеме. Въ ризахъ батюшка оставилъ 3 воши, что приликанѣ три свѣдки властными очами видѣли. Але дароносицю и амтименціонъ взявъ батюхъ, за что заразъ подавъ емъ его до суду.

По переданю церкви.

За якійсь часъ схизматики не успокоилися. Терроръ еще не усьвъ. И тому виновники не люде, але яккійсь безбожнѣ

1926. рокъ.

„БЛАГОВѢСТИКЪ“

Сторона 47.

ческъ урядники, котръ хотя Бога не узнаютъ, але зато радо ширятъ „православіе“ бо знаютъ, что симъ доведуть народъ до безвѣрія.

Христіянска народна партія запротестовала у министра ьротивъ сихъ урядниковъ и жадала, чтобы ихъ переклали инде (кажъмъ до мадяровъ) най тамъ научаться якъ не треба колотити честный руський народъ.

Видно, что уже и уряды иншакъ обходяться зъ схизматиками, якъ до теперь. Нэ хоснue уже ни терроръ, ни крикъ, ни бунты, церкви помало переходять въ нашъ руки. Най буде се для всѣхъ русиновъ осторогою, чтобы не далися звести батюхами и дурисвѣтами!

НОВОСТИ

— Каѳолическа Церковь. Се слово „каѳолическій“ е слово гречкое (а не латинское) и только значить, что загальний, общій для всѣхъ людей. А что она е дѣйстно для всѣхъ народовъ и людей то красно оправдае станъ Чикаговскаго архиепископства въ Америцѣ. Тамъ подъ однимъ архиепископомъ отъ такъ народности мають свої парохії:

Америчане	170	фаръ	Чехи	11	фаръ
Нѣмцѣ	58	„	Литовцѣ	11	„
Поляки	44	„	Русины-Украинцѣ	6	„
Ромуны	17	„	Словаки	4	„
Французы	12	„	Мексикане	2	„

Халдѣйцѣ, Сирійцѣ, Бельгичане, Мадяре, Голландяне, Нѣгрѣ 1—1.

Се е дѣйстно „сосдиненіе языковъ“, что не е инде, лишь въ Христовой каѳолической Церкви, котра есть черезъ Христа основана не для одного народа, але для всѣхъ народовъ цѣлого свѣта. Якъ Христосъ пришовъ спасти не одинъ народъ, але всѣхъ людей, такъ лише та церковь съ Христовою, котра соединяе всѣ народы въ своеемъ лонѣ. И зато схизматицка вѣра не може быти отъ Христа, бо она лишь дасколько изъ восточныхъ народовъ мае въ своеемъ лонѣ.

— Въ Вышныхъ Верещкихъ схизматики зновъ походили. Знають нашъ читателъ, что фотяне и въ В.-Верещкихъ попробовали зъ схизмою. Але не дойшли далеко. Лишь одного отступника нашли якогось Дзубала, кто въ своей землѣ поставилъ схизматицкій крестъ. Сей крестъ уже разъ поховали в.-веречанскѣ вѣрники. Але Дзубаль еще разъ пробовавъ щастя и зновъ поставилъ крестъ. Чудный крестъ одної ночи зновъ зникъ. Жандары на цѣлой околицѣ получали строгое слѣдство, але виновниковъ не нашли. Мы дуже хвалиме жандармерію за сю ревность, лишь на томъ ся чудуеме, что чому не укажуться такими ревными, коли схизматики забираютъ нашъ церкви и збиткуютъ нашихъ вѣрниковъ?!

Въ Имстичовѣ комунисты грошъ збирали для тыхъ, котрѣ не працають. Каждый членъ партії мавъ заплатити по 7 коронъ.

Короткѣ вѣсти. В римскомъ паломництвѣ участъ бравъ и бывшій болгарскій король: Фердинандъ. — Въ Россіѣ комунисты мають свою газету: „Безбожникъ“. Ся газета має 210.000 предплатниковъ. Могли бы християне одъ нихъ научитися, якъ треба подпоровати газету. — Римскій Отецъ подчасъ ювилейного року проголосивъ 360 проповѣдей. — Въ Венеції герцогъ японскій им. Др. Ивашій ставъ християниномъ и по доконченю наукъ богословскихъ посвятився на священнника.

Переписки редакції.

В. Б. Зарѣча. Щиро дякуеме за 17 предплатниковъ.

Выдає: Монастирь О.О. Василіянъ
въ Ужгородѣ.


Книгопечатня О.О. Василіянъ въ Ужгородѣ. Раковця ул. (Монастирь).

Коли се дознали люде, вэяли бигарѣ и выбили комунистовъ изъ села. А комунистичнѣ легитимації порозривали и спалили. (Такъ написала газета аграрниковъ).

— Гомичко до мадярскихъ газетъ пише. Др. Гомичко зубный лѣкарь въ Ужгородѣ написавъ велику статю въ мадярско-жидовской газетѣ „Uj Közlöny“ о схизмѣ. Статя повна была неправдивыми тверджениями, что у пару дней за рядомъ доказавъ о. Стойка секретарь. Панъ др. Гомичко на селѣ гордо бїєся въ груди, что онъ якій великій русскій чоловѣкъ, а (священниковъ называе мадяронами), а въ Ужгородѣ до мадярскихъ газетъ пише. Се не має ему забыти руській народъ!

— Упокоилася. Супруга Степана Даніеловича пароха раховского дня 14-го фебруаря упокоилася. Около труны благодушно матері 4 малолѣтнѣ сироты плакали. Блаженный ей спокой!

Отвѣчательный редакторъ:
Емиліянъ Бокшай.



„Свой до своего!“

„АКОРДЪ“

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша
руська ліярня звоновъ „АКОРДЪ“
Капиталъ создали сами наши люде.
Она заряджена по найновѣйшої
технице и ведена перворядными
фаховцями. Мѣстности фабрики на-
ходяться около желѣзнодорожної
станції въ Ужгородъ. Тамъ посто-
янно выставленъ образцовъ звоны.
! Найлѣпшій благородный металъ !

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ“, ліярня звоновъ въ Ужгородъ.

Канделларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

РУСИНЫ!

СЛАВЯНЕ!

Не идѣть до чу-
жихъ, а подпирайт-
е свою руськѣ ин-
ституціѣ .

Першимъ рускимъ ассекураційнымъ товариствомъ есть

„БЕСКИДЪ“

акційное ассекураційное товариство — Ужгородъ.

Принимає ассекураціѣ хижъ и всѣхъ движимостей
и недвижимостей противъ огня, противъ вломовъ,
принимає ассекурацію на житѣ, пензій и пр.

на дуже выгодныхъ уловіяхъ.

Ассекуруйте только у „БЕСКИДЪ“!

СВОЙ ДО СВОГО !

Глядаеме добрыхъ агентовъ.

JOSEF NEŠKUDLA NOVÝ HRADEC KRÁLOVE

Чсл. Р.

Посылає скоро за половину цѣни: Ризы, стихары и всѣ потребнѣ одежи для гр.-кає. літургіи, заставы, иконы од акад. художников, чаши, олтарнѣ свѣчники, лустры, кресты, одежи и пр. найдешевше.

При новых замовленях скоро задармо поправляє стару одежи.

Сукна и моднѣ материалы панскѣ

и дамскѣ униформовѣ, тепихы, церковнѣ сукна, готовѣ реверенды, етихары и одежи продають найдунше по взорах, котрѣ высилаєме на жадане

Выробы сукон HEZINA A SPOL. Humpolec

запис. доставцѣ Церковного Товариства для Члов. Реп.

ПЕРВОЕ И ЕДИНСТВЕННОЕ ДРУЖЕСТВЕННОЕ ПОДПРИЕМСТВО

„СОЛ“

СВѢЧКАРНЯ И ВОСКАРНЯ В КОСМОНОСАХ

заложено и ведено духовенством и лицами, допоручує свои перворяднѣ выробы, церковнѣ свѣчки каждою роды, восковъ, полвосковъ, крашенъ и луксусно здобленъ, такожъ стольнѣ свѣчки всякою роды, мыло до праня и тоалетове, крем на обув, воск и крем до паркетов. Од духовенства купуєме пчолячий воск, отпадки из свѣчок или вымъняємо за свѣчки. Всему прев. духовенству, сл. патронатным урядам, юстодарским дружествам и всѣм католицким сполкам до ласкавогъ вѣdomости под іаслом: „СВОЙ ДО СВОГО!“

Начинається місійний рух въ цѣйї нашей епархїї. : В нынѣйших часах и не можеме представляти собѣ успѣшных місій без

вѣрооборонных брошюрок.

Редакціѣ „Благовѣстника“ и „Душпастыря“

мають на складѣ такъ добрѣ брошурки, что сим путем горячо вручаєме во увагу всѣм священникам и вѣрникам:

1. М. Гелебан: Где глядати правду? Кч 1.— с.
2. Ем. Бокшай: Наверненіе о. С. Дзюбая, шизм. епископа. Кч —20 с.
3. М. Режанюк: Як я витверезився из шизм. блуду. . . . Кч —10 с.
4. Забужный: Римскѣ отцы и вселенскѣ соборы Кч —40 с.
5. „ Римскѣ отцы и учение восточных отцов . . Кч —40 с.

Можна их заказати: Книгторговля „Уніо“, Ужгород, Корятовича ч. 10.

— Съ брошурки мають вѣти наши вырники перечитати! —